



TE WHARE WĀNANGA O  
AWANUIĀRANGI

## **Whakamaheatanga o ngā pūrākau huringa āhuatanga ma te rangatahi**

I roto i ngā rā e rua, pārekareka, whakawhitiwhiti kōrero, me ngā wānanga mātauranga. I whakawhiwhia e Te Whare Wānanga o Awanuiārangi he rōpū rangatahi no Whakatāne, kia uru atu ki ngā whakataunga huringa āhuatanga.

I whakahaeretia ngā wānanga mātauranga mō tētahi wāhanga o te kaupapa matarau-whakaraupapa tae atu ki ngā kairangahau o GNS Science, Awanuiārangi me Victoria University (Te Herenga Waka) o Te Whanganui-a-Tara. Ko te 2022 Endeavour Fund kei te utu i Te Ao Hurihuri: Te Ao Hou - Ngā Huritanga o te Ākau ana ko te Ministry of Business, Innovation and Employment ngā kaiwhakahaere hei āwhina i te kōkiritanga o ngā whakawhiutanga a te huringa āhuatanga me te piki haere o te tai moana ki ngā hāpori e noho tata ana ki te ākau.

Ko te tirohanga matua o te kaupapa ko te whakapai ake i ngā whakaaturanga e whakamahia ana inaia nei kia mārama ai ki ngā whakawhiutanga o te piki haere o te moana, pērā i ngā waipuke ki te taha moana me ngā whakamōrearea hoki ki ngā kāinga me ngā wāhi tapu.

Mai i roto i ēnei wānanga ka kitea e Awanuiārangi he take nui tēnei ki te āwhina i ngā rangatahi ki te arataki i ngā āmaimai i pupū ake mai i ngā huringa āhuatanga, ma te whakawhiwhi i ā rātau me ngā kōrero pū e pono ana kia rātau me te tohatoha ki ētahi atu. E whakamārama ana te kairangahau matua mo Awanuiārangi, a Mawera Karetai, i whakatūhia ngā wānanga hei whakahau whakawhitinga kōrero me ngā tohunga whaimōhio.

“Kei te hiahia ngā rangatahi kia mārama rātau ki ngā whakanekeneke, ana me pēhea tā rātau āwhina atu, engari e ai ki ngā kōrero kaore rātau i te mōhio he aha ngā kōrero pono.

“Ki te kore e tika te whakatakoto kōrero kua rangirua ngā whakaaro nō reira kei te hoatuhia he āheitanga mo ngā rangatahi ki te ako, mai i ngā tohunga, ko rātau nei kua kite i ngā tuinga o te huringa āhuatanga i Te Tiri o Te Moana me te mārama ki te kōrero mo ngā hīraunga mō Aotearoa. Katahi ka āhei ngā rangatahi ki te whakawhitiwhiti kōrero me te whakamātau i ēnei ariā ki tētahi wāhi haumaruru.”

Na Richard Levy, GNS Principal Scientist me Ahorangi Tim Naish no Victoria University (Te Herenga Waka) o Te Whanganui-a-Tara, i āwhina ki te whakahaere i ngā wānanga nei, tāpiri atu ki te rōpū kaitātai aro whenua me ngā mātanga pūtaiao āhuarangi. I tohaina e rātau o rātau wheako mo te āhua o te mahi ki roto i Te Tiri o Te Moana me ngā mahi kua mahia ki te waihanga i tētahi tauira hōhonu o ngā tuinga na te piki haere tonu o te moana.

Ē rua atu anō hoki ngā wānanga i whakahaeretia e ngā kaipūtaiao i Te Whare Wānanga o Awanuiārangi mā ngā rangatira me ngā tāngata o ngā hāpori ki te whakaatu kei te whakahaeretia ēnei kōrero ki ngā reanga katoa o ngā whānau me ngā rōpū katoa. Ko te titiro whakatau, ki te whakakao mai i ngā whakaaro i pēhea te haere o ēnei wānanga kia pai ai te tuku i tēnei tauira ki te whānuitanga o Aotearoa.